

禪門述書



石屋禪師山居詩

六卷

〔元〕清珙撰 〔明〕潘是仁編  
明萬曆乙卯（四十三年）新安潘氏原刊本

PDG

承

國立中央圖書館惠借 石屋禪師山居詩 原稿

謹此致謝

Wesley

19/2/15

## 石屋禪師山居詩解題

明復

高僧山居，自述閒情，心託雲水，句冷霜冰。可啓智者之道念，却鄙夫之貪嗔。六朝以來，賦詠者衆矣。唯於初時，講求藻飾，刻意聲韻，辭必典雅，意必清新，雖道盡高隱之雅趣，而無以釋群氓之執迷。延及隋唐，寒拾出興，始以尋常口語，舉尋常事故，以敘幽冷之景，寂寥之樂，使讀之者如醍醐灌頂，頓消熱惱，而得清涼。是故無揀智愚，莫不好而重之。於禪者中，仰山大師最爲欽許，曾撰對寒山子詩註，稱揚其作，濟濟後昆，遂自皈心。和者擬者，代有所聞，近賢胡適，且名之爲口語白話詩，以爲近代詩歌之先河。其流風之廣，可想見矣。

石屋禪師者，嘗辭謝世榮，捐棄僧務，索居天湖之畔，於清課暇時，踵寒拾之遺武，吟山居之詩，情逸韻高，人競傳誦，言禪僧詩者，必及此篇。譽之者，以謂唐之四僧，元之三高，未可比也。石師，福源清珙也，南宋咸淳六年降於常熟溫氏家，幼而靈異，稍長能詩，淹貫諸家，獨好儒業。年二十八，捐棄舊業，投興教崇福寺染衣入道。首參高峰妙公，示以萬法歸一話令參。服勤三年，無所發明。乃辭妙公他往。公曰：「溫有瞎驢無見，淮有及菴信，宜往見之。」因至建陽謁及菴，信公愛其才，痛加徵詰，乃得豁澈。親炙數載，辭去遊方。公送之云：「他日與汝同龕」及行，徧歷諸山，而隱於霞霧，樵蔬自給。禪餘吟咏，積成篇章，諸方傳誦，噪於一時。至順中，宣政院檄主當湖福源寺。入院上堂云：「把住也，鋒鎌不露。放行也，十字縱橫，水雲深處相逢，却在千峰頂上。千峰頂上相逢，却在水雲深處。今朝福源寺裡，開堂演法。昨日天湖菴畔，墾土耕烟。所以道：法無定相，遇緣卽宗可傳。真寂之風，仰助無爲之化。正與麼時如何（拈拄杖卓一下），九萬里鵬纔展翼，三千年鶴便翹翔」。旣住持七載，以老引退，復歸天湖菴，耕植吟哦，一如當年。至正十二年七月二十四日夜，集衆訣別，書偈云：「青山不著腐臭屍，死了何須掘土埋。顧我也無三昧火，光前絕後一堆柴」。遂即遷化。壽八十一，臘五十四。高麗僧太古普愚久侍杖履，得師真傳，歸國後，其王敬之，禮爲國師，屢對王舉揚師德。旣聞師寂，其王遣使乞求舍利於國立塔。

山居詩集，錄師生平所詠二百六十一首，非一時一地之作。詩中所詠之山，一如寒山子所詠之寒山，非必有其地，乃禪者悟後隨緣應化之心境也。石濤濟禪師所謂：『君能解禪悅，何地不高峰』，卽此之謂也。而珙師亦言之預矣。云：『勿以此爲歌詠之助，當須參意而有激焉』。是故讀之者，勿謂離群索居，爲禪者規範。亦不可偶因倦勤慨事，藉讀此而求一時輕快，須知苟能參意有激，立睹廬山眞面，未謂無份也。

石屋禪師山居詩詳目

明文書局編輯部 編

卷一  
引

四言古詩

重巖之下十首

題觀音大士

卷

五言古詩

山中天湖卜居并記

海都寺求語

示鐵壁劉居士

卷三

七言古詩

天湖卜居

送慶侍者回里省師

卷四

言律詩

卷五

七言律詩  
閒詠

2

○

九九九

八八六

四四四四

1

次韻送智西堂歸靈隱	趙會初心提舉
別南山經室	秋日秦川道中
偶作	冬至
邵南州提舉再招	雪
送臯侍者	言絕句
送漆匠	
送眞藏主禮育王	山居吟
送就禪人禮祖	
送松江深上人	
送椿上人禮寶陀	
示禪上人	送針工
送人遊五台	送雪峰維
示眞副寺坐圓覺期	
送實監寺回大覺	
送愆上人回鄉	
送德都寺回里	
送眞	
送福上人禮祖	示來
送淨髮待詔二首	
送圓上人	
送問上人歸大乘	
送人之五臺	
送明道者	送聞上
送大維那	

一六一六一六一六一六一七一七一七一七一七一八一八

送維那江西  
送勤上人 示禪人二首  
英上人求語  
送觀侍者回淨慈  
送凌侍者示勤道者  
示衆示道者  
跋淨首座血書法華報親  
常侍者血書金剛經  
寄魁書記  
寄淨慈平山和尚  
寄友人二首 古樵  
無岸 本源 石崖 無敵  
白庵 別澗 别峰  
出山佛二首 觀音大士  
題達磨

二五 二五 二五 二五 二五 二六 二六 二六 二六 二六 二六 二六 二六

( 1 )

石屋禪師引

石屋禪師山居詩

詩僧不解禪。總於道業。多禪禪僧。  
不無詩名。慧心未徹。以故傳燈。諸  
祖不廢。偶言投鉢。方徧仍奉秘訣。

石屋禪師清珙秉靈洞之頂。掉塵

石屋禪師引

長舌。舌齒交炒。者之間。暗弄可掬。

畢竟趺坐之暇。偶拈一韻。小雪悠然。

作偈。桃李自可成絃。久深松蠟。遂

益見葉底。寶金經之津梁。字。皆

龍藏之鼓吹。而文靈徹。後生名讓。

萬曆乙卯新安潘氏刊

一籌鴻仙再步金卮三舍

滿是仁饋



石屋禪師山居詩集目錄

第一卷

四言古詩

重巖之下十首

山中四威儀

題觀音大士

第二卷

五言古詩

山中天湖卜居并序

海都寺求語

留進菴主

示鐵壁劉居士

石屋禪師目錄

第三卷

七言古詩

天湖卜居二首

送東林院主歸華亭

送慶侍者回里

第四卷

五言律詩

溪巖雜詠十九首

第五卷

七言律詩

閒詠

五十  
六首

次韻送智西堂

趙會初心提舉

別南山經室  
偶作

秋日秦川道中

御南州提舉再招  
冬至

雪中示徒

別南山經室  
偶作

第六卷

七言絕句

山居吟

九  
十  
四首

送臯侍者

送漆匠

送真藏主禮育王

古道  
禪師日錄

寄友人二首

古焦

無岸

本源

石崖

無敵

白庵

別潤

別峯

出山佛二首

觀音大士

題達磨

石屋禪師山居詩卷之一

元溫清珙 石屋甫 著  
釋明潘是仁 訒叔甫輯校

四言古詩

余山林多暇睡之餘偶成偈語自娛紙墨  
少便不欲紀之雲衲禪人請書蓋欲知我山  
中趣向於是靜思隨意走筆不覺盈帙故掩  
而歸之復囑慎勿以此爲歌詠之助當須參  
意則有激焉

重巖之下未透本根觸境遇緣擾擾紛紛應須悟  
理超越見聞久久自然左右逢原  
重巖之下靜默自居三際不來心如境如斜月半  
那畫勤隴畝道在其中別更何有

窓殘火一爐嗟彼睡夫蝶夢蘧蘧

重巖之下目對千山一根返源六處皆閒白雲飄  
飄綠水潺潺動靜自忘別是人間  
重巖之下不修形骸木食草衣布韞箇鞋竹密暗

石屋禪師四古

卷一

一

石屋禪師四古

卷二

二

四古

重巖之下十首

重巖之下火種刀耕有粟有蔬可煮可烹了我目前  
樂我餘生坐眄庭柯幾度衰榮  
重巖之下希古爲儔微證本根一了便休紛紛玄  
徒念死話頭待死守株求劍刻舟  
重巖之下草莽日交人影不來黃葉飄飄谷鳥晚  
啼山月夜高松露鶴飛濕我禪袍  
重巖之下蛇虎爲隣我心旣忘彼性亦馴人生在  
世各具天真含齒戴髮胡爲不仁

題觀音大士

窓苦深覆皆蕭焉忘情寂爾虛懷  
重巖之下飽飯熟眠縱情放逸歲月虛延老病時

臨衆苦交煎臨渴拙井熱悶徒然  
重巖之下信步慢騰騰攀蘿去又上一峻嶒

山中行信步慢騰騰攀蘿去又上一峻嶒  
山中住幾度朝還暮手栽松陰涼成大樹  
山中坐飄飄黃葉墮沒人來閉門燒燄火  
山中臥松風穿耳過沒來由好夢都吹破

水卽是波巖即是石坐證圓通斯爲第一

石屋禪師四古

卷一

三

周氏

石屋禪師山居詩集

釋

元溫清琰

石屋甫著

明潘是仁 訒叔甫輯校

五言古詩

山中天湖卜居

并記

山名霞幕泉天湖卜居記得壬子初山頭有塊臺磐石宛如出水青芙蓉更有天湖一泉水先天至今何曾枯就泉結屋擬終老田地一點紅塵無外面規模似狹窄中間取用能

石屋禪師五古

卷三

一

刻正

寬舒碧紗如煙隔金像雕盤沉水凌天衢蒲團禪椅列左右香鐘雲板鳴朝晡甞瞿土種吉祥草石盆水養龍秋蒲飯香粥滑山田米底甜菜嫩家園蔬得失是非都放却經行坐歟無相拘有時把柄白塵拂有時持串烏木珠有時歡喜身舞蹈有時默坐蒲盧都懶舉西來祖意說甚東魯詩書自亦不知是凡是聖他豈能識是牛是驢客來未暇陪說話拾枯先去燒茶爐紅香旖旎春花開敷清陰繁

石屋禪師五古

卷二

二

刻正

水擊石取火延朝炊香梗旋春柴旋斫砂鍋未滾涎先垂開畚未及種紫芋鉏地更要栽黃其白日不得手腳住黃昏未到神思疲歸來洗足上牀睡困重不知山月移隔林幽鳥忽喚醒一團紅日懸松枝今日明日也如是片冬雪霏虛空落地須彌碎三世如來脫垢

林木長新葉遙屋清陰多深草沒塵迹隔山聽樵衣

茂夏木翳如巖桂風前喚回山谷梅花雪裏

清殺林逋人間無此真樂山中有甚凶虞也

不樂他輕輿高蓋也不樂他率衆匡徒也不

樂他西方極樂也不樂他天上淨居心下常

無不足目前觸事有餘夜籟合樂曉天昇鳥

戲魚翻躍好鳥相呼路通玄以幽遠境超世

而清虛騷人盡思吟不成句丹青極巧畫不

成圖獨有淵明可起予解道吾亦愛吾廬山

中居沒閒時無人會惟自知遶山驅竹覓寒

歌自耕復自種側笠披青蓑好雨及時來活我新  
裁禾遊目周宇宙物物皆消磨旣善解空理不樂  
還如何

寒山曾有言吾心似秋月我亦曾有言吾心勝秋  
月秋月非不明有圓復有缺安得如我心圓明常  
皎潔有問心如何教我如何說

月來照我門風來吹我襟勸君石上坐聽我山中  
吟玄冕化爲雪朝光成夕陰萬事草頭露豈得長  
如今

石屋禪師五古

卷二

三

刻正

飯飽拂石睡睡足起閒行靄靄孟夏景新樹鳴黃  
鶯俯仰翫時物散誕暢吟情只此是真樂何必求  
虛名

小不讀佛書大不識玄旨焉知百萬門只在方寸  
裏終日恣貪嗔幾時念生死一朝老病來懊惱亦  
徒爾

種豆兩三畦離離原上不知陽和功惟言土力  
壯老鬼伏崕根心心欲希望果能息汝貪我寧不  
食醬

山中一雨滋原上百物好手種三畝薯亦可延晷  
早咄哉世間人名利常關抱頭上雪紛紛胷中塵  
浩浩

結屋荒山巔隨緣度朝夕賣柴糴米歸煮粥做飯  
吃雖是勞形骸且免當戶役說妙與談玄箇却曉  
不得

放下全放下佛也莫要做動念卽成魔開口便招  
禍飲啄但隨緣只麼閒閒過執法去修行牽牛來  
拽磨

石屋禪師五古

卷二

四

刻正

破屋三兩椽住在千峰上雲散天宇清放目聊四  
望世界空裏花起滅皆虛妄日落山風寒閉門燒  
火向

結屋霞峰頭耕鋤供日課山田六七丘道人三兩  
箇開池放月來賣柴糴米過老子少機關家私都  
說破

兩箇窮道人三間弊漏屋開得一丘田收得半簷  
穀煮粥儘有餘做飯却不足也勝利名人奔南又  
走北

海都寺求語

急急做工夫單提狗子無春梁高豎起屹似須彌  
盧翻來覆去看要了此公案倏然妄念生便逐他  
使喚精進不懈怠坐立道可待懶惰又昏沉驢年  
也未在若也放得下無可無不可千七百葛藤盡  
是敲門瓦

留進菴主

丹陽進禪人隨我住有日雖立志參禪未曾有所  
入菴中諸事務渾不憚勞役口體甘淡薄身心頗  
石屋禪師五古

卷二

五 梅奉

真實一朝拜我前請語爲法則我寫此數言助汝  
進道力只就我山居隨緣度朝夕莫學野盤僧東  
西與南北尋常動用中精勤莫放逸剔起眉毛看  
畢竟是何物看破看底人大事方了畢

示鐵壁劉居士

見性成佛無別佛古人說話最條直當頭坐斷沒  
纖毫切忌隨他言語覓縱饒虛妄百千般究竟還  
歸一真實老僧吐露真實情寄與雲間劉鐵壁

石屋禪師山居詩集

元溫清琰 石屋甫 著

釋明潘是仁 訚叔甫輯校

七言古詩

天湖卜居

晴明無事登霞峯伸眉望極開心胸大湖萬頃白  
漱灔洞庭兩點青濛茸初疑仙子始綰角碧紗帽  
子參差籠又疑天女來獻花玉盤捧出雙芙蓉明  
知此境俱幻妄對此悠然心未終徘徊不忍便歸

石屋禪師七古

卷三

一

范甫

去夕陽又轉山頭松

乾鵠傍簷鳴鵠喈鳥鴉遙屋聲鴉啞西菴道者來  
送果東隣稚子去偷瓜吉凶占相既有驗罪福果  
報應無差道人若有此見解青銅鏡面生痕殺懶  
融一見四祖後百鳥更不來銜花

送東林院主歸華亭

參禪人須猛烈吹毛劒白雪雪佛來與祖來拈起  
當頭截雲中木馬驚嘶山上鯉魚出血萬仞崖頭  
奏凱歸等閒踏破華亭月

送慶侍者回里省師

汝師年老中山寺朝暮無人可瞻侍不歸掃灑執  
巾瓶師資禮法合也未汝母兼又年紀高除汝一人  
更無二望斷秋風未見歸倚門日月長垂淚離  
師棄母入山來所圖畢竟成何事安貧樂道固所  
難住箇茆庵豈容易也要種竹栽松也要鋤山掘  
地也要運水搬柴也要澆蔬灌芋也要行道諷經  
也要攝心除睡藜羹忝飯塞飢瘡淡虧薄粥通腸  
胃人生皆爲口體忙我亦未免形骸累自家心地

石屋禪師七古

卷三

二

范甫

如未明業識茫茫本無據水邊林下斂經過吾汝  
皆非久居計月江和尚有書來勉汝歸寧有深意  
開緘未讀便抽身不負來音全孝義有言孝爲百  
行先在俗在僧誰不然侍師奉母名敬田何須入  
衆并參禪忽然思靜又嫌喧短策不妨閒往還

石屋禪師山居詩集

釋元溫清瑛 石屋甫 著

明潘是仁 訒叔甫輯校

五言律詩

溪巖雜詠

道人緣慮盡觸目是心光何處碧桃謝滿谿流水  
香草深蛇性悅日暖蝶心狂曾見樵翁說雲邊雪  
晝房

一鑊足生涯居山道者家有功惟種竹無暇莫栽  
石屋禪師五律

卷四

一

范肖

花水碓夜春米竹籠春焙茶人間在何處隱隱見  
桑麻

時時自解顏年老得安閒心下渾無事眼前惟有  
山天空鵬翥翼霧重豹添斑獨與梅花好相期盡  
歲闌

萬緣休歇罷一念絕中邊盡日閒閒地長年坦坦  
然山空雲自在天淨月孤圓磨煉工夫到難同知  
解禪

巖臺舒野望依約見松門唐代高僧寺宋朝丞相

墳溪光晴鴻遠野色晚來昏山路歌聲絕樵歸烟  
火村

屈曲黃泥路團團紫槿籬紙窓開竹屋瓦竈焚松  
枝平澹忘懷處蕭然絕照時何人能侶我無事亦  
無爲

深山僧住處端的勝蓬萊地上並無草園中却有  
梅閒多諸想滅靜極自心開一頂破禪衲和雲曬  
石臺

一陣從何起颺颺徧九垓撼他林木動吹我竹門  
石屋禪師五律

卷四

十一

范肖

開本自無形段如何有去來欲窮窮不到一虎嘯  
巖臺

霞霧山頭頂雲邊闕小房夏涼窓近竹冬暖閣朝  
陽繭紙衣裳軟山田粥飯香此生隨分過無可得  
思量

一鑊足生涯長年飽水柴有山堪寓目無事可干  
懷嵐氣濕茅屋苔痕上土階任緣終省力渾不用  
安排

山厨修午供泉白似銀漿羹熟筍鞭爛飯炊粳米

香油煎青頂蕈醋煮紫芽薑百味皆難及何湏說上方

真空如湛海微動卽成漚纔受形骸報便懷衣食憂識情奔野馬忘念走狂猿不悟空王旨輪迴卒未休

山家八月天時物自相便荳莢新垂隴稻花香滿田割茅修舊屋斫竹笕清泉世上誰知我優閑樂晚年

茆菴竹樹間塵世不相關門對一池水窓開四面

石屋禪師五律  
卷四  
范舟

山煙熏茶竈黑座蒸布裘斑不悟空王法緣何得到此間

紅日半衝山柴門便掩關綠蒲眠褥軟白木枕頭  
彎松月來先照溪雲出未還迢迢清夜夢不肖到

人間

扶杖出松林閒行上翠岑鶴群衝鶴散樹影落溪沉野果棘難採藥苗香易尋澹煙斜日暮紅葉半巖陰

好山千萬疊屋占最高層減塑三尊佛長明一椀

燈鐘敲寒夜月茶煮石池冰客問西來意惟言我不能

取捨與行藏人生各有方乾坤容我懶名利使他忙背日鷗眠埠營巢燕達梁情迷隨物轉不得悟空王

結草便爲菴年年用覆苦繼窓松葉暗竹屋躋花粘麥飯惟饒火藜羹不點鹽生涯隨分過誰管世人嫌

人間

石屋禪師五律  
卷四  
范舟

四

范舟

石屋禪師山居詩集

元溫清琰

石屋甫著

釋

明潘是仁 訚叔甫輯校

七言律詩

閒詠

吾家住在雪溪西水滿天湖月滿溪未到盡驚山  
嶮峻曾來方識路高低峭崿素壁粘枯皴虎過新  
蹄印雨泥閒閉柴門春晝永青桐花發盡胡啼

柴門雖設未嘗關閒看幽禽自往還尺璧易求千

石屋禪師七律

卷五

單文

丈石黃金難買一生閒雪消曉嶂聞寒瀑葉落秋

林見遠山古柏煙消清晝永是非不到白雲間

荒塚纍纍淺野蒿昔人未葬盡金腰有求莫若無  
求好進步何如退步高貪餌金鱗終落釜出籠靈  
翩便冲霄山翁不啻紅塵事自種青麻織布袍

快樂少聞濁富不驕奢看經移案就明月供佛簪  
瓶折野花盡說上方兜率好如何及得老僧家  
道在人弘孰可憑發言須與行相應貪心似海何

庵住霞峰最上頭巖崖巒嶮少人遊擔柴出市青

時足妄念如苗逐日增幾樹梅花清處士一園芋  
子樂閒僧而今隨例菴居者見道忘山似不曾

動則乖真靜則差非思量處更請訛無心未合祖

師意有念盡爲煩惱魔矮屋朝陽寒氣少踈籬種

菊晚香多白雲曳曳方施練又被風吹過綠蘿

松下雙扉冷不局一龕金像照青燈眠雲野鹿驚  
回夢落洞獮猿墜折藤得意看山山轉好無心合  
道道相應多時不向門前去薜荔苔花積幾層  
二十餘年住崦西鑊頭邊事不吾欺一園春色熟

石屋禪師七律

卷五

單文

茶笋數樹秋風老栗梨山頂月明長嘯夜水邊雲

暖獨行時舊交多在名場裏竹戶長開待阿誰

翠竇丹崖列四傍茅菴却好在中央一身布衲衣  
裳煖百念消融歲月忘石瘦種來蒲葉細土深逆  
出笋芽長有時半夜聞鐘磬知有招提在下方

莫謂山居便自由年無一日不懷憂竹邊婆子常  
偷筍麥裏兒童故放牛栗蠻地蠶傷菜甲野猪山  
鼠食禾頭施爲便有不如意只得消歸自己休